

立杜賣盡根契字人龜仔頭帽仔厝庄陳春南，有自置明買過陳冷泉埔地旱田園併庄地式處，坐落土名帽仔厝龜仔頭山脚。東至龜仔頭山，西至中車路坑尾，南至柑仔林坑口，北至濁水小溪，四至各有定界明白，帶大溪水灌溉充足。又帶蔴竹、桂竹、荊竹頂下坑式處，菁仔、拾木在內。經丈平等沙園式分零捌毫，逐年納地租銀壹角柒点六厘，併配納番食粟叁斗正。今因乏銀別置，愿將此旱田、園、竹木出賣，先盡問房親人等俱不欲承受，外托中引就向與后埔仔庄張拱照出首承買，三面議定時值價銀叁拾大員，平重式拾壹兩正。其銀即日全中交收足訖，其旱田、園、庄地、竹木、菓子隨即踏明界址，盡交付與買主前去掌管，收租納課，永爲己業。自此壹賣千休，根株斷絕，日後子孫永不敢言贖，亦不敢言找異言生端滋事。保此業係南自己明買，與別房親人等無干，亦無重張典掛他人財物及上手來歷不明等情。如有此情，南壹力抵當，不干買主之事。此係二比甘愿，各無反悔。口恐無憑，今欲有憑，立杜賣盡根契字壹紙，併帶墾契壹紙，上手盡契叁紙，新陞科单壹紙，合共陸紙，付執爲炤。

即日全中見交收過盡根契字內銀叁拾大員，平重式拾壹兩正完足。再炤。

代書人 曾克明 (花押)

爲中人 賴壽 (花押)

知見人 弟 陳秋經 (花押)

光緒貳拾壹年拾壹月

日立杜賣盡根契字人陳春南 (花押)